

## Memperingati Jasa-Jasa Al-Ustādh Hassan bin Ahmad

Suatu berita telah sampai menyatakan bahawa Kiyai Hassan bin Ahmad yang terkenal dengan nama Hassan Bandung telah meninggal dunia pada pukul 1.30 petang 10 November 1958 di tempat kediamannya di Bangil, Jawa Timur dalam usia lebih kurang 65 tahun. Almarhum ini meninggalkan dua orang anak lelaki dan dua orang anak perempuan dan beberapa cucu. Anaknya yang sulung ialah Al-Ustādh ‘Abd Al-Qadīr Hassan seorang ulama yang terkenal Indonesia yang mengurus pesantren Persatuan Islam di Bangil. Almarhum ini telah lama menghiap penyakit kencing manis. Kerana bahaya-bahaya kepada penyakitnya dan kerana sesuatu sebab di kakinya maka untuk keselamatannya pada dua tahun yang lalu sebahagian kaki kirinya terpaksa di potong.

Oleh: Sahabatnya

Apabila terbit pertentangan yang hebat tentang kitab *Ibadat Rasulullah* di Semenanjung Tanah Melayu ini beberapa orang sahabat-sahabatnya telah meminta almarhum datang ke Semenanjung Tanah Melayu ini tetapi ia meminta uzur disebabkan ia sedang menyiapkan terjemahan kitab hadisnya yang masyhur, *Balūg Al-Marām*, ke dalam bahasa Indonesia. Tidaklah diketahui adakah usahanya dalam hal ini sudah selesai.

Ustaz Hassan, begitu panggilan teman-temannya di Indonesia, adalah diperanakkan di Kampung Kapur, di Singapura ini dan belajar agama di Singapura. Ia belajar dengan Syed Putih dan Haji Abdul Latif bin Haji Tambi, ulama yang terkenal pada zamannya, bersama-sama dengan al-Ustādh Hashim Yunus. Kedua-duanya adalah bersahabat akrab dan sama-sama mencari hidup.

Tulisan tangan keduanya hampir-hampir sama. Tetapi tidak lama akhirnya terbit berlainan faham di antara keduanya. Ustaz Hassan, setelah mempelajari bahasa Arab dengan Syed Putih dan kemudian belajar ilmu fiqh kepada almarhum tuan haji Abdul Latif bin Haji Tambi dan kepada beberapa guru agama yang bermazhab Shāfi‘ī, akhirnya berasa tidak

puas hati dengan apa yang dipelajarinya terutamanya apabila ia menyelidiki pendapat-pendapat di antara imam-imam mazhab yang empat. Ia tidak berpuas hati mengapa satu-satu hukum di antara satu berlawanan di dalam satu-satu perkara yang sama.

Setelah mengadakan menyelidikan-penyalidikan dan mentelaah kitab-kitab besar seperti *Nīl al-Awṭār* karangan al-Imām al-Shawkāni dan lain-lain lagi sehingga akhirnya ia pun berasa puas dengan pendapatnya iaitu tiap-tiap pengertian agama (di dalam peribadatnya) hendaklah di dasarkan kepada kitab Allāh dan sunnah Rasūl-Nya (S.A.W). Manusia tiada hak menambah atau mengurangi di dalam perkara ini dan mengenai keduniaan, maka hendaklah di asaskan kepada tegahan-tegahan yang tepat daripada al-Qur’ān dan al-sunnah itu.

Pendapatnya ini tidak di diamkannya sahaja. Apabila ia pindah ke Bandung, (Indonesia) lebih kurang pada tahun 1920 maka mulailah ia mengajar dan mengadakan sekolah-sekolah. Kemudian daripadanya banyak ulama-ulama yang sefaham dengannya di Jawa Barat lalu mengadakan pertubuhan yang terkenal dengan ringkasnya “Persis” (Persatuan Islam).

Persatuan Islam mengambil ahli-ahlinya tidak sebarang. Ia di tapis dengan sehalus-halusnya. Mereka

mereka mengadakan tabligh di sana sini. Kerana faham itu faham baru maka banyaklah tentang yang dihadapinya tetapi walau bagaimana pun mereka dapat menarik mereka-mereka yang mahu membawa fahamnya.

Terbit daripada usaha bersama inilah dari tahun 1924 ke atas timbulah persoalan di antara Kaum Muda dengan Kaum Tua di Indonesia. Pertentangan hebat berlaku.

Pengertian yang dibawah oleh al-Ustādh Hasan ini mudah diterima umum terutamanya daripada orang-orang yang terpelajar. Orang-orang yang belajar di dalam pelajaran-pelajaran Belanda akhirnya banyak yang menerima pelajarannya. Di antara murid-muridnya yang terkenal ialah Tuan Muhammad Natsir (Ketua Umum Masyumi) dan tuan Muhammad Isa Anṣārī. Banyak lagi murid-muridnya yang bekerja menyebarkan pelajarannya di Jawa Barat.

Umumnya pengikut-pengikutnya itu, sebagaimana keadaannya sendiri keras berpegang kepada dasar mereka tidak mahu menggunakan diplomasi mengenai hukum-hukum agama. Mereka tegas atas pegangan mereka. Kalau perkara itu haram mereka terus katakan haram dan kalau halal mereka terus katakan halal.

Pada bulan Mac tahun 1930, sebagai pengembang kepada suara Persatuan Islam maka diadakan majalah bulanan yang bernama Pembela Islam. Majalan ini dipimpin olehnya sendiri. Dalam masa itu ia menerbitkan risalah soal jawab dan majalah *al-Lisān* sebagai ganti Pembela Islam yang mati kemudiannya,

### Sifat-Sifatnya Yang Tegas

Al-Ustaz Hassan adalah keras mempertahankan pendiriannya. Apa yang dikatakannya diamalkannya. Muhammad Natsir adalah murid yang dikasihinya tetapi ia tidak segan

mengeluarkan risalah menegur kelemahan-kelemahan Muhammad Natsir.

Demikian juga terhadap kepada yang lain-lainnya.

Di dalam teguran-tegurannya ia mencela sungguh perbuatan berdiri menghormati bendera dan berdiri tatkala mendengar lagu kebangsaan seperti yang biasa dibuat orang sekarang. Al-Ustādh Hassan bukan sahaja berkata tetapi beramal.

Pada suatu masa dikatakan Al-Ustādh Hassan bersama-sama dengan muridnya Kiyai Muhammad Isa Al-Anṣārī hadir di dalam suatu majlis perayaan yang dihadiri oleh Presiden Sukarno. Apabila dibunyikan lagu kebangsaan maka semua orang berdiri hormat tetapi Ustaz Hassan tetap duduk. Apabila Kiyai Isa yang duduk di sebelahnya hendak berdiri – tangannya dipegang oleh Al-Ustādh Hassan dan kerana itu Kiyai Isa pun duduk bersama-samanya.

Penggemar-penggemar syarahan radio tentunya telah mendengar syarahan Dato' Haji Abdul Jalil Hassan, Naib Mufti Johor. Sharahan beliau hebat dan berisi. Bacalah sharahan beliau mengenai tiga perkara:

### Tiga Serumpun

Mengenai Hijrah

Mengenai Tauhid

dan Binaan Aqidah Islam

Tiga Syarahan di dalam sebuah buku

**Serial Syarahan 1** yang diterbitkan oleh Qalam.

Senaskhah 40 sen pos 10 sen.

Apabila Al-Ustādh Hassan dilantik menjadi Menteri Agama di dalam negara Pasundan tatkala ia lantikan itu ia memberi suatu syarat bahawa cara bersumpah hendakla dibuat seperti sumpah pengakuan Islam iaitu bersumpah atau bai‘ah dengan tidak menggunakan al-Qur’ān seperti yang biasa dibuat orang. Tatkala berlaku istiadat penyumpahan maka orang telah membawa al-Qur’ān kepadanya tetapi beliau menempik dan kerana ini menjadi syarat penerimaaman maka kehendaknya dipersetujukan.

#### **Kehormatan Sukarno kepadanya**

Pada tahun 1928 Sukarno di tahan dan dibuang di India. Sukarno masa itu ialah orang yang tidak beragama. Di dalam saat inilah Sukarno diberi dan dikirimi oleh al-Ustādh Hassan dengan kitab-kitab agama karangannya dan ia banyak menulis surat memberi kursus-kursus agama kepada Sukarno. Kerana jasa-jasanya ini Sukarno mengatakan bahawa Islamnya adalah kerana jasa daripada al-Ustādh Hassan.

Semenjak Sukarno jadi Presiden, ia selalu menulis surat kepadanya. Apabila al-Ustādh Hassan datang ke Singapura maka Sukarno memberinya surat yang disertakan wang. Demikian juga apabila beliau sakit.

Menurut kata teman-teman Muhammad Natsir bahawa apabila Muhammad Natsir datang menjumpai al-Ustādh Hassan maka ia tidak pernah mengangkat kepalanya kerana menghormati gurunya ini sehingga orang-orang berkata bahawa tidak ada orang yang menghormati guru seperti Natsir menjumpai Ustaz Hassan.

Sungguhpun beliau tegas dan tepat menegur murid-muridnya atau orang lain tetapi semua mereka itu sangat sayang kepadanya dan hormat kepadanya kerana mereka mengetahui keikhlasannya.

#### **Perangai dan akhlaknya**

Ustaz Hassan terkenal sebagai orang yang tegas berbahas tetapi semuanya itu diasaskannya atas pendapat -tidak diatas perseorangan. Pada masa sebelum perang kerap benar berlaku perbahasannya di dalam agama dengan al-Syed Hussain Bāfaqiyah sehingga orang menyangka bahawa ia tentu akan berseteru dengan al-Syed Hussain Bāfaqiyah tetapi kenyataannya tidak demikian. Apabila ia sampai ke Jakarta, tempat kediaman Hussain Bāfaqiyah maka rumah yang disinggahnya lebih dahulu ialah rumah Hussain Bāfaqiyah.

Ia menunjukkan kemesraannya kepada Hussain Bāfaqiyah dengan setulus-tulusnya sehingga dikatakan Hussain Bāfaqiyah tidak tahu hendak mengatakan sesuatu.

Kta di Semenanjung Tanah Melayu mengetahui pertentangannya dengan Dato' al-Syed 'Alwi bin Tahir Al-Hadād Mufti Johor. Pertentangan ini terjadi dari semasa kedua-duanya di Tanah Jawa lagi. Mereka berdua tidak pernah bertemu. Apabila al-Ustādh Hassan di Singapura maka dapatlah peluang ia berjumpa Mufti Johor tatkala melawat Pejabat Agama Johor. Sesudah perjumpaan itu ia berkata:

“Sungguh baik gerangan Mufti Johor kepadanya.

Ini menunjukkan Mufti Johor mempunyai akhlak yang baik.”

Perkataan ini terbit ialah melihat kepada keraian-keraian bekas teman-temannya semasa kecil yang telah terkemuka di sini terhadap kepadanya – yakni tidak menaruh akhlak dan cara pergaulan yang baik ke atas manusia.

Di seluruh Indonesia mengetahui bahawa Ustaz Hassan ialah seorang yang bijak sekali berbahas. Ini terbukti apabila terjadi perbahasan-perbahasan di hadapan umum dengan orang-orang Qadiani. Jalan perbahasan ini dapat di lihat di dalam kumpulan perbahasan-perbahasan dengan Qadiani di dalam

suatu kitabnya yang bernama “*Risālah Marṣa’iyah*” tidak ada orang di Indonesia yang tangkas menghadapi Qadiani selain daripada Ustaz Hassan.”

Ini diakui oleh Muhammad Sadiq pendakwah Qadiani sendiri. Katanya: “tidak ada orang yang sekeras-kerasnya menentang kami selain daripada Ustaz Hassan. Tetapi kami mendapati bahawa tidak ada orang yang berakhhlak baik terhadap kami setahu saya, selain daripada Ustaz Hassan”

Ustaz Hassan memuji apa yang baik yang ada kepada seseorang kerana agama dan ia mencela kepada orang itu apabila ada yang tidak baik kepadanya kerana agama.

Presiden Sukarno adalah menjadi orang yang selalu dikritiknya dengan tegas dan berani tetapi baharu-baharu ini di dalam suatu siarannya ia memuji Sukarno di dalam perkara menyelenggarakan kematian ibunya (Ibu Sukarno).

Ia memuji kerana Sukarno dengan tegas menghapuskan adat mengadakan makanan-makanan di dalam majlis kematian dengan tegas. Sukarno tidak menghidangkan walaupun air sehingga orang yang membawa jenazah ibunya sampai kehausan.

Tetapi dilain perkara banyak Sukarno yang dikritiknya habis-habisan.

### Kemurahannya

Ustaz Hassan adalah terkenal sebagai orang yang amanah dan sangat pemurah. Di dalam menghadapi dia walau pun di dalamnya kesempitan tidak dipedulikannya. Selalu ia meminjam wang kepada orang kerana membelanjai dia yang datang ke rumahnya.

Tafsir al-Qur’ān yang dicetak daripada 150,000 naskhah adalah buah tangannya. Ia tidak mengambil hasil daripada usahanya ini lebih daripada belanjanya sehari-hari. Selain daripada itu ia dermakan hasil yang didapatinya

daripada tafsir itu untuk menyelenggarakan pesantren Persatuan Islam di Bangil yang dipimpin oleh anaknya sendiri, Abdul Kadir bin Hassan.

Hidupnya adalah sederhana – tidak berlebihan-lebihan. Kesukaannya adalah mendengar cerita-cerita hal sahabat-sahabatnya di Singapura yang dikenalnya dan ia sangat gemar bermain dam.

Ia pernah di utus oleh Perdana Menteri Muhammad Natsir untuk menemui Kertusuryo Imam Darul Islam dan ia pernah pula di tahan oleh tentera Indonesia bersama-sama Kiyai Abdul Halim. Daripada tahanan inilah yang membawa ia uzur.

Sekianlah sebahagian daripada riwayat hidupnya. Semoga Allah memberinya rahmat dan kebahagiaan ke atas rohnya. Umat Islam Indonesia terasa benar atas kehilangan seorang ulama yang bersifat revolusioner di dalam cara beragama: tegas dalam pendirian dan berani mengeluarkan fahamnya dan beramal dengan apa yang dikatakannya.

**Khusyukkah sembahyang tuan?**

“Dalam kita sujud dalam kita meletakkan dahi di bumi, rasakanlah kehinaan diri bahawa kita ini berasal dari setitik air yang hanyir dan akan kembali menjadi bangkai yang busuk yang tidak ada harganya” – kata Kyai Muhammad Hasbi Ash-Siddiqey. Kita manusia tidak ada kekuatan dan tidak ada harga, kerana itu latihlah diri supaya khusuk di dalam sembahyang. Salah satu caranya bacalah ucapan Kiyai Muhammad Hasbi.

**Sujudlah kepada Tuhanmu!**

Di susun oleh ‘Idrus  
Sebuah buku serial Sharahan 2  
yang diterbitkan oleh Qalam. Senashah hanya 40 sen sahaja. Ukuran kecil.